




北
碯
詩
集

共
四

一
之
二

末

共
四



28
1284
1

北磻詩集

奉酬

光孝堂頭禪師

龍泉葉適

簡師詩語特驚人六反掀騰不動身說與東家小兒
女塗紅染綠未禁春

新詩尤佳三復媿歎然有一說不敢不告

林下名作將以垂遠不可使千載之後集中有生日
詩此意幸入

思慮何時

其語少慰孤寂

北碕詩集卷第一

孤山行

盛時考槃古逸民湖山草木咸知名至今八篇爛古
錦豈特五字如長城長驅萬騎到其下束手按甲循
墻行大邦維翰蔽騷雅遐衝既折猶精神抗衡劇益
一敲國彈壓西子孤山春死諸葛走生仲達送修靖
邀陶淵明聚蚊莫及怒雷迅老瓦不亂黃鍾鳴清彈
豈爲賞音廢自芳更問林扉扃鷗盟未冷浪拍之戈
者何募鴻冥之水流山空鶴態度永枯雪寒梅弟兄
梅當成實自調鼎鶴既生子仍姓丁鄉來偶同賦招
隱老去亦各相忘形故廬夜夜月如晝少微耿之天

無雲千金儻可市駿骨萬古適足空凡羣百身可贖
但虛語九原喚起知無因爲公滿酌并花水酹一杯
土公應聞

塘淫

蒼官百夫雄盤錯千仞岡鐵幹紫尤勁銅柯青更剛
屢吞霜雪敵弗受斤斧戍支厦不爲柱跨壑猶飛梁
胡爲在泥滓斷岸繫關防豈伊堅貞姿泥滓永相望
中分朽其中脰合相抵當彼巧事穿鑿我方信行藏
惟其司中內秉彛德之常謹口飽涵畜與時相抑謀
持滿豈無道損餘端有方尾間小溟渤砥柱回汚潢
瞥爾手翻覆枯涸隨汪洋叔度萬頃陂未足與較量

匠氏弗遇郢才不登俊良藐然用其小約水不得泔
有若古豪雋落之吞湘江遭時發所蘊利澤何其厯
時哉倘不逢蕙帳雲霧窻獨善與兼一微元非雙
任大豈遺小養浩惟能降對此一感慨勿謂吾言囋

檄菖蒲

陶器承崑岷獵之散綠絲飮以一杯水午歲長如斯
露葉矗鋒鏑霜根蟠嶮巖昌陽欲論功十駕不得追
松栢腳踏土並驅仍背馳寒苦我所安泉石皆聞知
豈意泉石間得此償心期澡濯興懷新疏剪貴適宜
芳潔日以薄潛逐炎涼移謂我水太清汝便清漣漪
抑我水大渾古并非汚池孤根要特立晚節須堅持

貞姿或不返終當怨尤誰春葩與秋蕤擅羨固有時
西風一搖落不死將安之亦足觀物化亦足爲箴規

次官講子素齋韻爲別

是短何曾計鶴長從他踽踽復涼人馬歸塞上元非
失弓在人間豈是亡旋別薰蕕充子佩賸栽紅白課
蜂房到家趁得梅花在分遣飛來數點香

無言桃李各成春造化番騰巧入神佳境駸之逢蕭
尾苦心隱急飮猩唇蠖雖善屈難忘直虹豈長蟠不
得伸一日百畦幾事了區々亦有漢陰人

月初九日客舍

水凍氷連底山凝雪滿顛恰纔如舊臘全不似新年

綿折何曾暖柴牛只擁煙較他山店雨杜自怨秋天
上錢昭文○代李少潛

柱天有佳木青跨雲沈沈不知幾何高四海分清陰
悠然響虛籟萬象寂若瘖寒則爲陽和益之春晝深
穆若吹清泠六月消煩衿烈風益遭勁厚地盤崎嶇
濃翠出雲雨大旱後作霖巍巍架明堂枝幹端可尋
上有孤鳳凰下有衆羽禽和樂聲成文憂擊韶濩音
大雅得指歸一洗鄭衛淫向來艱難際凡才空滿林
天風一披拂寸碧開遙岑遂使化弦改人命蟻出燭
大哉德曰生抑見天地心悠々江海人蜀道捫井參
懷土如仲宣破囊無一簪回首曰玉霄欲往勇不禁

區區竟何有有句如惜金金亦不足惜鑄作頌與箴
早課

井花嫋煮熨梅花先酌芳甘炷佛茶冷淡工夫相次
了却留窗日看橫斜

水仙

矮叢傍砌小成陰凍徹數腴謝水沈細著鮮風扶弱
幹賸將零露酌芳心華裾冉冉低青綬柔玉稜々觀
嫩金弱水繞山三萬里斷魂長記碧蕭森

和六一居士守汝陰禁相似物賦雪

漣漪碎剪成新夢廉纖帶雨尤輕薄人間但見巧番
騰天上不知誰制作九地瑕庇都粉飾重雲指寒難

恢廓曉光微目增眩轉夜色侵燈火閃爍康莊充斥
去無路老幹壓低搖不落寒稜凍得水生皮氣艷冷
欺裘擁貂可勝思苦相嘲謔旋忘手凍爭拏攫亂季
平堆可照書圓瑳小握供婢雀靜聞裂竹亟扶顛勇
作探春思躡屨犯寒果勝附炎熱苦飢預慶歌豐樂
長鬚嫩煮切方泣小龍新破團初淪默觀造物真戲
劇更看一色吞沙漠載賡險韻付銜枚孤軍大敵空
橫槊寡和尤如白雪高非偶自貽齊大噓

和東坡守汝陰禱雨張龍公祠得小雪會飲聚
星堂用歐公故事

六花夢夢都無葉萬花闌白都輸雪緩飄微霰止還

集急趁回風飛欲絕山固無愁鬢先老竹非爲米腰
頻折鄉來囊螢本同調今夕風燈不愁滅僧窗處
茶煙濕漁舟箇箇綸竿掣老坡不犯汝南令粲如晴
午裁新纈乾坤蕩人無吟哇比類區區空瓊屑霧沈
雲重託歲難雨收風拾書輕瞥肯爲忠臣六月飛騰
煩太史從頭說麤人金帳暖如昏詩人布衾冷如鐵
借榻妙上人小樓簡圓方外

瑤溪鹿苑寺

唐刻文雖泐梁時寺可稽已無金布地猶有寶名溪

透骨清貧兩苦心圓方覓句妙方琴尚堪擁鼻麾崔
烈來借樓頭破布衾

水媚珠生浦雲低篆繞畦夜遙僧定起璧月在璇題

鹿苑乃月堂昌禪師受業

水自朝宗去源曾發此來惠琳參政事澄觀擅公才
葩焰古難續襲衣今未開不知五百世幾度擢陳荻

送友人歸湖上

雲卷雲舒欠十成暮霞曾誤客占晴不堪滿載朱涇
月冷落易關第幾聲

雲錦亭

花圍竹護錦成林簷壓紅雲遠砌深燕子來時寒未
了莫教簾幕帶春陰

秋塘陳敬父席上餞薛子舒之官建康○此年

子舒亡

秋塘自是眼頭高，倒屣於君老更豪。興盡有時聊訪戴，法當無酒亦邀陶。鄉來文字如翻水，近日工夫又及騷。月是秦淮舊時月，平分只合與金刀。

哭趙別駕子野

年高唐進士官小魏，諸王落之青雲步。腫々古錦囊，筆隨文琢瑤。劔返虎丘藏，分得閑風月。湖山不掩光。

謝張丹霞序疎藁

裳織新雲錦，交尋舊布衣。荆蠻九鼎重，嶺海一宮微。心事淵明是天時，伯玉非談高方誇。調古獨巍々，亦有蘭爲佩。能無簡絕韋，濯纓東礪水。訪舊北山薇。

老我家何在，顛風鷁退飛。機頭常反著，車微每殊歸。但覺烏仍好，端知驥可晞。草中同臭火，爨下賞音稀。煮字徒相餉，忘言合見譏。牛腰繁卷軸，蚌腹欠珠璣。重借言如史，輕因鼠竊機。香雲甘寂寞，華袞借光輝。雞肋初無取，雲片小足揮。樓寬長挂榻，月如許敲扉。踵息寧乖衆，心聲願聽希。李雖嘲杜瘦，孟不與韓違。末路且多助，孤軍佇解圍。載驅慙款段，忍負鏤金。

趙紫芝得菴材圖拉余與趙山中同賦

中原聞休兵，久客問歸路。窮途倦策蹇，窘步甚脫兔。小立候柴荆，互闔走兒女。喜極先蹙頰，恩若旋煦嫗。觸緒盡愁態，撫膝見濡慕。諸鄰稚扶老，旨畜各攜具。

老瓦勇倒瀉飛觴約深注居者訴微調歸者訴羈旅
懽呼賀生還不醉不肯住晒乃驤山夢奇警花團素
生靈果何罪此禍竟誰與眼明新畫軸心折舊題處
掩卷續微吟玉倚亭下樹

雪夜懷上人惜衾

挾纈如冰薄無氈客愁綾衾閑直舍布被老夔州
樓上方撐起山水莫倚休歲寒知小友餘暖肯珍投
趙紫芝雪中見寄

易銷知地燥未濟識天慳凹凸難行處糗胡轉盼間
定應憑小檻頻看釣滄灣嫩煮添茶興何須倒玉山
○公不解飲

羣峰驚易老猶自習人寒石火雖紅擁慵吟只白看
不妨添冷落何暇掃零殘小竹籠葱日銷鎔却怕難

池雪

填得中心合鋪成四面齊寶奩方剪玉璧範直裁圭
水鏡難呵霧冰田不點泥霜蟾都隔斷弗許透靈犀
耕雲

雲子炊香欠策勳無心亦作一鄼耕石田也似畝田
瘦不是冥搜太瘦生

茅屋

素得蔓筍不足占趁晴翳人揀疎簷弗圖炎背十間
闔試策奇勳到黑甜

酬陳中書楊侯家賞瑞蓮

法自春秋著一王不曾紀瑞到蓮塘露盤對倚金莖
小水鏡雙尋玉井涼同樣著花仍並蒂異蓬結子不
分房會須問字求玄草接武華風到後堂
似城傾國儼侯王千載餘芳託藕塘紅入雙葩相豔
冶綠搖萬柄覺淒涼側承初日聯風袂並絕殘蟾酌
露房花下詩人長不老宮堯直禁玉爲堂

武陵畫象

我思澹花翁夢繞浣花水存竹一項餘杜鵑暮春至
開元天寶間九州暗風塵新詩一洗滌天地皆清明
槐葉一杯春思君欲走致悠然憂國心天地相終始

賈長江畫像

苦吟京華春韓門得歸鄉但知空啞羊未暇識龍象
逢人問梓州策蹇來長江長江蛟龍怒濤瀾相春撞
公來一彈壓熨帖平如鏡新吟若爲容禹古秋濤瑩
送宇文尚書宣撫荆湘

偉哉不世才要爲天下奇一鶚不待薦自受虛皇知
力精運甍處心切聞雞時去年鎮南徐前年來合肥
至今軍與民念之如母慈肖象繫遺愛豈特甘棠思
便令登嚴廊虛襟待疇咨春風玉筍班夜光增陸離
荆楚天一方有生懷保綏不向繁劇地何以觀設施
明明重意大任端自茲諸儒浪誇託自許傳與伊

重以不重外圖安不圖危一旦大興章惇然如亂絲
始悟火更歷雖悔將安追石商六百年不待試者誰
成築與割烹中有輔相資後世伊傳流紛紛何多爲
公乎風塵際卓犖起一夢軒昂氣如虹霹靂手欲龜
永懷更一行策動早言歸坐理天下事迎刃而解之

山中像

之子裴策湘竹枝寫我委羽春耕時鞭素在手橫谿
消石牛飲溪特丁隨開窗卷簾驚見之有二文殊還
白疑鏡中瘦影絲髮無參差又如飲溪牛背連臂蹄
踏蹄恍然因我得見伊不知見者端爲誰

丁除夕

結局又開端更初數到殘小須新過割却問舊不
事之從頭起悠之倒指看六十三萬日逐日度仙

松谿

翠蓄童之勝碧油老根枯竹漱溪流秋池兩部吾無
取留得江聲屋頭

正月初六觀燈

山歛吳雲暝幾層卷簾都上內前燈朝榮六葉初弦
月猶作朝天淡掃痕

挽同衣

有地皆堪隱云胡獨指西却燒翻濁酒剎說輕新
春聲挑蘋渚秋荷綴稻畦聲天無落月耿之印苔

印佩三周法蓮栽十丈花源尋南嶽正路華化城
靜與月分座閑如雲住家不知百世后誰索紫金車

登齊雲樓

雲與簷檻面而齊脚頭高處覺雲低水圍萬雉半煙
雨天微四無漫吟睡由人無心儘可拊堂堂存路亦
堪梯若非夢澤宵中小空倚闌干到日西

孤山路

截水開平地浮天界碧空有雲分越鏡無柳似吳虹
夢棹闌于外荷花鑑影中斷橋吟不盡行過御溝東

四月初八

只麼隨流去如何慶佛生飄零嗟却濁前洗候河清

託飄如無益纔說又不情韶陽奉塵刹不薦一杯羹

續懶菴王前素挽章

幾回生前辭銘留去後思尤疑龍井迴隣傍鳥窠移
殉有登山履傳無跨竈兒忙年三尺劍誰挂碧松枝

書智迂抵觸圖

力敵難教死困心墨輕毫淡柳陰陰莫將抵觸迂奇
思只寫洪川扣角吟

孤山前舉溺死者

柳色經秋草葑洲菱荷彫盡到菰蒲誰將處士孤山
路幻出天台九想圖

醕韓澗泉

鄉來風騷壇作者肩相摩遂使宋嘉定不數唐元和
礪泉一官冬門詔雀可羅管中既微露屢倒名勝戈
自笑不入時獨對兒女哦錦瑟豈不好弗好如之何
豈特弗如耳乎地千丈波冷之玉藕缸豈曾翻釣葦
師與造物游坐受醉尉訶雲月相獻酬泉石供婆娑
幽芳時自媚幽鳥時自歌遺補南礪雪樂勝東山阿
懷哉東華門白玉鳴朝珂忸怩避讒諂越越虞坎軻
聊將須臾忍付與兩鬢皤憶君閑適篇所得誰最多
持此壽閑適金蟄空坡陀思君令人瘦水遠山峨峨
寄聲謝鴻鵠爲把青銅磨莫嫌俗眼白且惜朱顏酡
吳吾何待制遣四鶴入山

竹扉無人敲掩關長夕睡一飢苦難療三篋收奇勳
鼎來四胎仙緇袂每玄盼其一行且却隱若避世紛
其一擬劉邁步武閑如雲咲者又其次畫然曼入琅
季氏響相答和樂方闔之昂然青山英暫爾北礪濱
鷺鵠倘可侶雞鶩端不群乘軒初同心在陰當有聞
日飲涵底渌時豕嚴根芸華表懷故知蕙帳悲移文
仙凡豈異微風月當平分主人爾同調與俗相蕪薰
浪迹係富貴永懷酬典墳衡連老蒼官從合抱節君
遠幽尋考槃亦足晤吾軍人方斧清悟對此齒沒齟
駸之恐爾及揣之令人懂曾中小天地籠中何足云
陳卿座上得貴寄

後來如積薪在前類楊粃佻脫刺天去尋墜九地底
扶搖轉羊角刀盡回應爾趙孟能賤之何取趙孟貴
譬夫春方好處處耀桃李冶容倚皓態厥類巨勝紀
一時顏色鮮永又曷足恃要常見平生姑待灝商至
梗楠大蔽牛支厦棟梁器春風不知喜秋風不知畏
炎之金石流原大復障指四時有常守坐看造物戲
用大古所難肯顧馬牛駭懷哉楚令尹落落差可疑
彈冠既三仕解冠轉三已豈弗曰代耕豈弗曰行志
終將奚以爲了弗事慢喜一笑付倘來道在百不理
特拽固超絕小智謾嗟異區々榮辱際判然遂成二
炙手苟可熱翮首爭附麗欣戚變妻孥况復論州里

悠哉經濟才未始挂牙齒不獨不過口未必不掩鼻
惡此而逃之政恐不免耳弗爲天下先聞諸老聃氏
徐行後長者孟氏亦若是聃也未暇學之孟顧不辯
唐虞已千古執中揆諸聖問之果何事存悌而已矣

黃龍洞前遇倪文昌賦憫之清

止止天連碧沈沈鏡不磨淵源端有自潢潦儘從他
清可辟流賦渾貽濯足歌中津誰擊楫後進自盈科
亦有西馳者其如北注何還元雖一味到了不固波
至潔清嚴瀨孤忠歎汨羅句貪懲俗不汲醴樂大和
洗耳成輕去乘槎倘重過咸池昇曉日何必挽天河

苕溪晚歸

輕羅熨帖展谿涓潏沫飛滯頃刻移蓮子焦時紅蓼
紫米菱缸小不禁吹

醅趙天樂

注爲詩人馥隣喧羯鼓催秋罔無喚起海石借飛來
卽老因山碧襟疎並水開何妨不解飲對客淺持盃

化周大孺人長明燈

古佛舒光照夜遙微明欲地脩誰挑福田中有光明
藏試遣周郎問小喬

吹香

寒壁痕雲凍不消華風醞藉不鳴條瘦枝褪煖無多
韻亦有鮮明玉色潮

芙蓉

谿痕寒不肥岸容晚益退其誰憐婆娑明霞剪零碎
爛云飽冷露酣云俯清瀨宛然古銅碧嫣然靚粧對
人若翠袖薄瘦立煙渚外西風催如許晚節尚可待
遂并拒霜號不受斷腸浼亦豈無老成試請推行輦
挂騰小山積菊耀東籬米棠觀芙蓉荷衣服稱陸離佩
芳芷雅相鄉宿莽安敢背花城隔仙凡俗說信茫昧
獨有離騷經名氏得先載

從聞從思沐髮

絕頂叢林茂林葉蟻風象龍爭迅捷湯沐風晞果煖
簷藪剔原搜會秋獵齒豁明瑤水爲扈編密青琅陸

明和詩
十四
爲苦園漬猶思勇負嶠匪塵匪腐非虎兕小生束髮
能操觚亦有武備當前驅但知疎散非長計不知遠
岫雲如髻

黃茶

官焙曾看白玉花不知黃玉在山茶淺欺羅柳香仍
烈輕壓茶蘼淨弗瑕著露未晞纔半萼倚暉欲透忽
全葩月團已屬盧仝賦別調何妨記物華

慧日致爽軒

襟懷淨無塵大山巖之秋心聲響虛籟何俟西山幽
悠然一段清可就不可致苟非可人就未必蒙倒屣
吾家短髯翁吳霜詫新茁因依眉睫間神之可濯熱

鈎簾事晚眺層翠出林杪一笑白點頭萬象同颺颺

福山渡

鯨浪粘雲白狼山隔岸青鷺來方跼之鴻去忽冥之
欲濟江程險先祈海若靈賈胡相習俗拋擲有幾經
櫓經火而殞今復榮茂之大慈

無樂醫雙樹板枝忽再春不隨人換世曾見寺歸真
雨露雖全節風霜只半身榮枯相倚伏東海復揚塵
雪窓

小似剡溪舡方方斗底安綠疏雲母透青瑣水晶寒
瞻影從低入蠅頭得細看人皆苦炎熱一點不相干
姜貧樂青龍征商

月冷孤山幌潮翻滄浪在關機今不古謀最食常名
北鴈雲難駐南板雪又新莫教詩滿篋忘却寄來頻

張王薄葵菴

寸金尺地長安土不種其他只種葵
倚太陽知向背土於生物薦華滋
睡醒簷影二竿竿歇做花陰幾
綫遲欲勸飛光一杯酒要看側蓋繞枝

石虎嘉定五年台州有虎入城

悠々天壤間裕各得其所獸蹄交鳥蹟
堯憂填肺腑偉哉神禹功明德遠前古
九疇既定位萬生斯按堵奔馳服牛馬
飛潛適綴羽虎豹嗜殘暴山林託深阻
云胡不與居出輒嘯當路昨來東家嫗
云汝三服戶

西隣競相告豈要攘取行輩既踐履
生理靡繁田野日撙動老羸困病憂
遂使戾戾歌不待黃昏唐虞全盛時
四凶怒如汝赫然雷奮四罪同一舉
彼無罪汝意汝特犯其怒商監猶未遠
與汝凶孰愈壤遭愚溪窮鱗避昌黎去
大信及豚魚二子吾所與彼其化爲仁
汝仁亦其伍猶來仁暴心不隔毫髮許
度河遠近徒負嶠母跋扈况今屬多事
誅求徭於汝兩雄不俱立孤蹤易足怙
勿謂三家市智勇未易動智者有餘
勇有餘賈排雲叫閭闔長歌埒林莽
四聰若旁達百揆必鼓舜禹機發必中
禹海竟何捕丁寧不汝欺盍亦聽吾語
苟如不我聽是不聽堯禹

宿蟻

窮山忍調飢小肉玄豹蹲百行無一羶爾類曷所聞
欣忽來往頻蠢蠕爭殺繁報王張義氣賈勇如虎
豈行有行伍回旋呼弟昆強然方解嚴翁然新分屯
長蛇偶成勢偃月非無輟啞膚甚蟻虱足馭不可捫
上我古生臺隙我新堦垣綴我玄兔頰飲我陶泓渾
以循伽梨園從朝不知昏小彈復就地詎忍傷其元
屢掃復屢集再馳仍再奔咄哉譚第兒輕儇真少恩
不復事掃除直欲加燖燖片兒旋呼蟻請試爲蟻論
好生乃大德略聽吾嗾之爾官大柳國附眉柳羅柯
南柯在其左東廂曾偃藩尔云城郭早中有戾王

蝸甲貢庭實蟲臂供盤飧犒享日厭餘糗糒時有在
可以燕族屬可以番子孫悠哉天地間曉然愚智分
鵬則搏扶搖鷃則止棘樊蟪蛄固微茫觸蠻方并吞
巨細俱逍遙彼此適晏溫老我不足慕負爾猶忍言
爾留固不惡譚第真爾寃去去別處去我砌休重板
蝗去

人言蝗有知我謂蝗無知使其果有知不出昌明時
傍睨聽我言飲笑輒見嗤問之何因爾却立雙顰眉
甚矣輟且愚抑非狂則癡諒不聞國史又弗聞書詩
不知朝廷尊但習山林卑耕稼徒勤勞理亂懣考稽
嗟子昧理道使我繁言辭伊昔貞觀中民生皆熙熙

呻吟化謳歌文教漸戎夷行旅弗齎糧道路無拾遺
外則方與虎內則傳與伊腹心頗騰任股肱良倚毗
山海同車書九重垂裳本虞夏和輟重毫髮無參差
尊米魏鄭公惜哉封德彝當此全盛際蝗起夫何爲
初傳滿郡國盜復侵京畿民瘼副所求丙夜長懷思
未且坐以待罪已勇不疑奮然事吞噬厥類舉族移
上帝斯下睇捷於聲響隨良苗曾勿傷凶歲稔不飢
太倉皆充盈老瓦相淋漓開元天寶間變理頗失宜
蟲橫加暴殘田稚難支持號令速且嚴捕逐期毋遺
限刀日困斃彼類尤蕃滋不能格天心徒欲徇己私
設或遇水旱人力惡乎施世變日亟下湯德常龜

盍廣成湯心以爲百世師上白天子垂下拯非庶幾
德合倘可行力勝勿自欺可以辟火災可以延貞祺
我固肅聽瑩奉言其敢辭再拜嘉昌言大明燭冥迷
仲夏月既望我適田中歸趨言五六輩出入荒荒茨
見之輒休湯滂然俱涕洟小復相與言胡爲乎來茲
倘爾因我來伴我食薇薇毋使我稼傷勿令秋稔虧
俾其豐稔盛餘則糝藿葵謹勿鳩鵲類謹勿增我恐
爾衆易然毋我瘠藟再肥一善倘可縶衆戾幸見歸
天可弗遐奔雖死甘如飴蝗方蔽大來客與天雲
悠哉群而集果適他山飛襲聞斯行諒今者親見之
便當如負暄排雲叫天扉庶幾得一得或可贊萬幾

宣力夢莖言下付百職司上宰天下平連帥問外
郡國其頒行風俗端可移勿謂此追述試以識至
推此及四海貞觀何遠而當法太宗是乎遂姚崇非

送陳紫薇分韻得壽字○立道赴宣州

皇極建五福筮得一曰壽人間最殊特何者出其石
詩以奉君子數量未易究樂哉仁者靜克享本天授
九復胡海蒙不在曹劉後良玉市有賈韞匱敢經售
用大古所難竭縮萬牛脰巨鋪當築簾欲振待洪扣
乘槎到叢霄下士逮圭竇藥物固滿篋子亦盈甌
弦歌羨遙夜圖史興清晝養高知道腴思苦坐吟
漉蛙不停響老鳳合伸味想常吟酬時俗恕不

願居與正位自有不須餽一篇薦藤筍三舍避袞
挂玉破官舍芝蘭茁瑤甃莫訝分符速正恐傳衣驟
歸來黃金甌名氏得先覆看鏡了心期一笑丹砂就

陳紫薇知宛陵出關三日復召歸

竹分宛陵去環賜北關帶出晝只三日排雲趨九扉
春風隨意好卿月上大飛想見高寒處腫臃並紫微
籠餅新鷺轉簾容舊鷺歸禁林仍下榻畫戟漫開扉
虛與谷相應淡如雲自飛升沈知雅量喜愠不幾微

西菴惠海棠

如子驚回午枕時別無名品略因依効顰已笑林禽
粉諸俗偏嫌謝豹緋碧酒暈朱櫻才褪丹肌痕露欲

生聯同盟更有紅千葉細剪番絲緯綿機

送葉桐軒赴永嘉上幕兼簡劉使君○全之

清才出故家幕府在東嘉吟熱蕃池草潮回富石花
霜垂低榻實珠滴小槽霞更勾龍翔碧暗窗試麥舍
馬岩雨初收遲將部曲留佳山如好友遠仕當清游
憶與白鷗侶曾盟賢郡侯依劉可無地莫倚仲宣樓

青龍張賢良四高堂

肯續高人傳能分鼎足無煩君添一箇爲我壯全吳
正學非謔士清吟豈釣徒須知而祖意斷不在葦鷗

柔葉

羽葆歌墻綠未搖春風易放麴塵消天教葉葉關機

軸不與群芳一樣彫

燈鏡

新苗吳霜剪不零臨鸞臺澀對星々天生兩眼人嫌
白只有青銅照得青

薛子舒半鏡

錢幕綠雲吞蟬翅裡圓千里虧一邊何年吹缺墮九
地更復幾時飛上天不悟素爲明所誤削地更無開
拓處遂使騎鯨汗漫歸擬研婆娑鏡中樹又疑白玉
樓居大手筆喝得倒行輪半仄至今弗作玻璃聲摘
白鐸々作金石不然十連酬賈難怒髮廩々衝其冠
歸來寒芒耿夜闌亭々小試龍文看半規腫々儘分

觀圖云如漆知多少是中觀德又觀空缺處何曾礙
圓照

立夏

弦改南薰曲自調縈回小篆水沈消葉舟自打窗前
過只有楊花度小橋

悼趙紫芝

不解俯華簪峨峨獨苦心反騷嫌火作番機動新吟
折玉蘭風急摧金菊雨霑中軍兒女泪消得幾沾衿

楊梅

枝繁疑陸地煙暝欲燉空止渴差相似和羹却不同
每嗟龍井日易變鶴頭紅好在文園令冰盤對晚風

千葉梔子花

離與除香別何曾別樣開一花分六出千葉是重疊
玉潔渾無玷金黃謾奔胎尋思天下口只合友江梅

盤隱陸別駕樓居

別浦潮生玉一痕倚闌日送渡江雲瑤蓮秀色連秦
望商略風煙到十分

隔江便是越州山無雨無晴儘好看不妬卧樓高白
尺妬它終日倚闌干

頤齋○其子與嚴同改秩屬竹巖素賦

有生分貴足云患不自知云貴得所止不止盈益虧
盛礪隱淪友圖史森森挾枝閑適壽且康不止將奚爲

卜築脩竹間養正是用宜惟其得所養自樂頤之時
初筮得上九頤道皆備之靜默戰紛華燕晦觀群蜚
對月喜秋霽問柳知春歸鳴鶴聞夜弦振鷺驚書棋
池寬縱魚樂機忘悟鷗疑幽草時自媚歌鳥時自闕
釣則鉤可直執則芳可移酒酣臥花底不知吾爲誰
起來飛羽觴萬化同熙之藥圃雨新霽徐步觀耘耔
眉津雙解鑿心淵平弗歆酖顏渥旦丹老鬢秋不萎
從它自逐大舍蒸觀朶頤

贈寫竹葉生

二手一楮成九年一弓就雖刮造化骨摠落造化後
葉生翻襪法二者竟何有因依霜節勁繾綣虛心厚

細意幻扶疎與俗洗焚垢慨怵縱一醉頃刻便千古
不知盤礴時更有全牛否忍貧不謀富捉衿見兩肘
千愁伶竹瘦百屋嫌銅臭雖無種秫田亦有吸川口

可廬

傍水依山便託棲百年心事若茆茨恰來彭澤歸來
後柳色遮門菊繞籬

茗谿行

清茗可鏡亦可漁風煙佳處畫不如無錢買出傍地
閑疑就溪叟西隣居得魚挽得菰蒲米菰煮作麋飽
則已寧能負腹不負人以腹負人不若死富春殘火
猶堪移上時容易艱難下在山遠志山可移小草還

復令人說菱歌惜濤潮誰出林幢嶺風爲誰好壁
月待秋滿延月入懷輪懸歎好風未必無人管筆床
茶竈散人家何須去乘牛斗槎

九日登蓮峰得二石一石如魚而尾赤名之曰
鰩尾一石有眼口鼻名之曰山鬼

青巉俯碧濤潛伏翠層深雨蝕蓮峰碧嵐昏鷲嶺陰
負雲生燕寢片玉下岑崟可拊仍堪擊依稀一寸心
性狀出巖扃山精死弗靈又如雲子白質帶上花青
雨信莓苔濕蝸涎竅穴腥九歌如可此爲爾續騷經

醅毓齋李尚書

惜閑如惜金不糴雪侵簪步向青冥却交容野逸尋

禪深排默照句熟動酬吟得趣忘弦索無聲自賞

寄鄉州憲使曹國博

應岩秀色連脩眉習中豈止雁宕奇展旗卓筆在懷
袖文事政備皆稱之劍南江山梓最勝彈壓江山須
遠興國子先生編斧光一道風煙入評品頗聞邊警
喧蜂蔕談笑從容起彫瘵勿謂生平少作詩古錦可
容空載歸○公書中云平生好詩終不能好

醅楊左司○代盧玉堂

蜜花小春操日笑雪夢遲中有千斛香半點不自私
遽茲良月半著得鮮風吹又作群卉先以慶此段奇
悠然一醉風粲然一解頤孤芳爾何事要結斯人知

紫荷鄉來縵綵庭親付衣今茲玉筍班默贊元化機
不知春幾何但見物自怡藹之然粹和蕩之生華滋
問之何因爾有以潤色之善頌繼善禱試聽與人辭
亦既多壽心頌禱夫奚爲盡觀與人心以尉與人思

逆風行

大塊噫氣一氣同條達萬彙參化工不教扶搖轉羊
角五日一吹零雨濛與醒枯槁皆蒙茸假借秋鬢向
春容後來見說蘭臺宮君臣相與論雌雄至今雄
無辨白幾回擬問蘭臺客便從平地欲冷然結土
囊呼不得坐使六月七月背汗揮老農燥土滴作蘭
塘融赫之炎之濯無處損威苛鉅盡數施玄冬一葉

東來順流水怒號不肯吹虹尾轉虹又復投西去蓬
蓬依舊從東起試從逆境求諸已可容不拜飛廉賜
謹勿顛狂蹈前轍長小鳴條伴華月

拜真歇了菩薩塔

只作深雲土一杯象龍蟻蟻弗同謀鬱金薰陸不足
道行潦潢污端可羞豈特龍翔開壯麗也曾雁宕見
噴騰人言合壘凌霄頂我謂凌霄在下頭

燕京葬虛女冠居之

觀裡黃蜂晚退衙觀前桃著小春花更無尋訪麻姑
處零落風煙似蔡家

謝橫別駕

日者鵷鴻序年來月旦評芳騰新令問絕似老先生
特立風塵表全消鄙文弱步何妨展驥樂豈俟專城
書卷終長策雲罔尚短檠不知身富貴猶遣筆耘耕
大雅連城重籛金一羽輕無弦皆古意比竹謾新聲
玉骨難教俗金莖只得清試論簪履舊細云杓高情
謝人惠閨綵袂

碎紅零綠盡其且駢儷收成一段奇曲砌鱗云尤植
密方聯翼云自參差大成富有諸家善小數窮如集
句詩蜀錦吳綾重表出阿蠻針線策勳時

李燕公生華亭尉廳偶有相公問可齊洪火府
於廢址更爲夢燕堂用玉燕入懷事永嘉趙清

曠索回賦

適華胥氏開津來祥兆其先必有開偶爾入懷真是
玉及乎同夢却非梅曰蘭倘可名千古指李何妨又
一回未問讀書堂上客斲輪堂下亦英才

瑞香兩首

舊從康俗老千峰紫綺裁葩蕊萬紅一與宮花分次
叔至今羞殺錦熏籠
伏欠闌干護綠雲紫苞寒褪曉夢英服履不下南枝
拜應使餘香誤得名

隙月

欄飛蟾影入簷低鵲初島惜尚繞枝燈炮小窻簾不

卷定回凍令玉樓時

內相洪容齋名諸孫華亭少府曰可齋

濫觴學滄溟弗至吾弗已九仞現成功弗成吾弗止
方其未至時傍睨豈知此及其既成後豈暇顧傍睨
或云山既高我則揆諸理或云海未深我則反諸已
所立固先定所詣孰能尼刻小大如斗淺諾復輕唯
甚者反自畫不則平道弛傲然曰山海不了可齋
可齋何人斯故家振聿水東髮讀父書介特固若是
幼蒙玉堂印壯授盤洲記至於自肯綮不具剛君子
黃河可爲帶太山可如礪悠然君子心無同亦無異

醽秋塘古詩之惠

卿來小朵煙蒼々烏紗瘦策尋初涼囊封借月留雲
章朗吟響苔山琅々寥々十載遙相望尺書不得鴻
鴈將規來屢分讀書床殘編斷東離朱黃梅花梢帳
芙蓉裳書傳騰稂掩衆芳前日破雨破竹肉勃窣倒
屣成踉蹌寒暄一語不暇吐望之歸然魯靈光郊寒
豈復療島瘦齊大匡堪容楚狂亭亭雪茸未下榻米
采霜聲先盈筐長歌爛々古錦段十詩疊々秋圃場
離騷大雅指祖述夜光明月相抵當不貶它人乃見
及三嚙十襲藏緘箱藋葵願頷欠瓊玖誰羨甘露醫
滄浪車輪裹浦碾雲漢爲我舉手瓢天漿

南山阻雪○嘉定十一年十一月二十七酉洲

凍合

裂竹聲乾曉夜林寬裁玉楮漫重衾遙知凹凸先平
滿未暇崎嶇探淺深凍折衣袂須煖熨明穿簷隙怕
寒侵西湖凍合方連底獨釣無人傍湧金
密人疎人忽滿林小齋冷直火綾衾旋疑蟾轂行春
曉細看蠅頭到夜深已有四郊三日瑞更無一點軟
紅侵庭除層砌皆明潔長笑當時備布金

送魏郎中出守潮陽

辟印犢鼻裋環堵長蕭然千金賤賣賦忍爲俗子好
安知有名勝又采明相鮮環堵不相下危行仍危言
白石萬間屋未暇著一榻吟止鷓鴣行飛作蓬萊仙

鮮爲目前計闊著曾中天千騎潮陽州旌旗行翩大
身居風化首鞭者循良先鰐魚碧潭底瘴海光風前
物既不庇羈俗亦知變正問之何因爾儀刑邳伯賢
我恐席未煖十行來日邊晒乃韓退之袁州小回旋
當如黃丞相登庸由潁川

李夔州挽章

防拓西南重皇華賦詠優忍將憂國泪來作聽猿秋
瘴掃烏蠻俗山殘日帝秋脩名磨不得三峽自東流
儉素律豪奢攻浮復填華竹枝謠五袴棠影懋三巴
碓雨催吟翰江皋釀醉霞不知舒嘯地誰此岸烏紗

謝昌秘書雪草

瘦雲曜雪漱霜滴煙火無功合茹芝囊錦若編群玉
府樹雞吟續晚唐詩

素齋于君實賦別兼簡方巖侍郎

諸公皆青雲一士獨苦心懷哉英雄泪亦復長滿襟
鄉來梁楚聲不貴雙南金九仞橫界墻餘子不敢侵
州聲吹黃塵勸翮投晚林渺觀洒勃敵袖手如病瘖
元龍異姓兄老鳳儀韶音秋內坐欲曙曉燈挑不禁
鵝原思寥寥雁影雲沈沈東觀可縱觀北斗常滿斟
鮑無屈又趙亦有丞相衾好隣買道南逸興追山陰
喚起方巖翁共作商巖霖

送方巖下黃巖曲江阻風幾溺

天雲卷礮車橫波起濤頭拔木如剪葉况復一葉舟

鄉來不鳴條醞藉仍風流今也賈餘勇浩蕩陳河修
萬籟忽自作蕭蕭夜何其悠然一寸闌雪交濤山飛
飛廉爾何事狡獪取巧施古井湛弗挫鼓盪終奚爲
元日領客登北高

雲繞蒼楹掃不開闌干直下是飛來笑看白玉芬陀
利領略風煙又一回

別李子源

分攜二十年解后復翩然易舛長亭別難忘短李賢
春非無勝日雨是未晴天最是關心處帆開順水船

曷獻諸兄侍兩國入山

飛鞚入山深幽從野逸尋開開觀噴激雲歛闌欹欹
茵錦蒼苔綠油幢碧樹陰客兒亭最古訪古去重陰

清明日聞杜鵑

吳越清明四十年可曾歸夢攪清眠樓頭欲與仲宣
語驀地一聲啼杜鵑

方巖侍郎得靈壁一峰名巖雲

坡陀巨璞韜玄質屢斷虜塵天半壁鄉來誰試小龍
又坊得一峰歸笠澤太湖繞出三萬頃奇產雖多不
足惜雲邊七十二峰青強顏亦復無顏色滑膚弗受
考茗裹素蘊豈容塵土蝕雲升霞舉幻瑰奇玉響金
湏隨拊擊一從越相去悠々幾見吳宮春寂々方巖
委羽在何許佑天弱水蓬萊隔冷然一眸三萬里風
煙浩蕩尋無迹既伴壺中清晝長想見袖中泉海窄
那忍寒鼎銘鼎外尚余三丈唐溪石壁窠不到小玲

瓊却須細細蠟頭刻

盆菊

葉底金莖沆瀣濃籬邊令尹酒尊空回頭說與閑花
草自占春三二月風

北碕詩集卷第二

醉菴王大卿松栢屏障歌

丹青歲寒之淡交栢也揖遜蒼髯稍凜姿古調厯而
實昔未成才先莫逆執此能事柄者誰彈壓王霄王
紫微千古萬古不可追落子亦復四十圍公平多才
亦多藝小試續綸光帝制復將餘墨散餘春煙雲樹
石皆精神擎重雪枝寒不倚霜幹徂周不相比山林
豪逸並孤標冠劔大臣橫勁氣想當欲畫未畫時積
思凝慮全天倪忽然直上盤雲覓不見筆墨之吟嘯
因依方寸亦磅礴豈止一丘仍一壑良木非摧石不
崩於戲九原不可作

柳絮

輕輕漠漠又斜斜
大作青萍漾水涯
院落晚春閑意緒
合分一半與梨花

另作輕狂又懶飛
又如欲去却沈思
雪雲不度清苔曲
獨受融風款曲吹

送常德徐使君兼簡李伯達

扁舟老蹕躑躅前
小謫仙水程春泛鷁
山驛夜啼鶻屏小
海垂實樓高柳度綿
楚天四雁字幾日到
吳天榻爲何人下
昔令稚子溫定馳天際
夢來訪水邊村秦地
千年舊桃花幾樹存
爲宣邦伯惠詩禮教兒孫

桃拍

土八花競淺林疏雪
操鮮後凋非地力獨秀
是天身老我不諧俗
惜才如夢賢明明千古
意渠自指庭前謝
隨菴趙牧之墨竹

曾中千畝不願餘穎也
戲劇資軒渠湖州九原不可
作百年合浦今還珠玄卿
濃淡風權變淋浪迅疾如
馳電爲君擊節賞此音
孝娥廟刻題黃綰君胡不
鼎聯兩手笑拍彌明肩
又不釣無五十情六鰲一
掣空重淵幻成羣玉參差
立露梢點滴使人泣鵲落
還從兔起時一機纔失嗟
無及我住雙巖峰下寺夢
斷池塘無一語家山新綠
報平安萬金墮眼寬西顧
舊陂顧角猶完全鏡中觀
影俱茫然坐令野人破屋

壁萬里風煙生咫尺

書誠齋答晦菴帖傷劉子澄死於貶所

宋司馬後魯威倉賢聖雖窮道不傷老子看棋高一
着噬臍空自憶剝即

石人

面冷如水瘦心剛笑竹虛痕雲衣不浣暈蘇髻難梳
七鑿混沌死十成山澤癯穀城山下路誰復理殘書

墨荔枝

塵蛻水膚玉透肌破絺絺墨剪棠衣芳鮮甘與縞雲
老不與輕紅轉眼稀

鳳兒花

小似釵頭纓果金不將紅淺笑紅深虛名冗到關

草寂寞朝不羽瘖

弄玉何年墮翠鈿託根便作九包奴飛花只今秦
去莫與金釵厭鬢蟬

謝司令惠賜茶

昨尋密齋覓茶喫倒屣踉蹌笑相逆一杯青白勝黃
日好風兩袖來無跡晴窗午景浣風味露飽秋蟬
曉曉周詩雖記苦如茶浮俗但取濃若醴歸來急
敲晨扉香鬱密雲光陸離圭零璧碎不復惜自候
明聲悲嘶不妨爲佛先拈出油然雪乳翻秋色更
佳士細商評我恐眼中無此生

次陳中書惠生綃韻

曾許五字玉堂詩豪壓城南示阿宜池上風毛今幾箇阿宜何如阿戎奇

錢竹巖之官清遠

汎汎之清遠潮來駕濁流火雲方振虐仙寫自主秋拔宅雖浮汎逢山得款留一夢攜驥子幾度訪羊裘景盡孤臺勝題分庾嶺幽風餐愁歎乃水宿貫鉤輅文米休藏豹詩盟莫冷鷗神明毋自鄙蠻瘴不勝瘳單父鳴弦外巴東野水頭鼎鍾餘事業一德配靈脩

書陳平佐刺圖

千慮難窮智士心周防密計保千金寧能有備爲無

用一寸淵之幾許深

早過湖

喚得航舡傍采菱柳橋竹樹曙煙深舡頭驚起蜻蛉馳欲立還飛到湧金

日者鶴軒

今歲不在鶴軒先華表歸來是幾年試問青田問你冬不即何日去乘軒

題三教圖

巖高風壓樹頭低三子相逢把手歸掩室在陳無足笑笑它同傳存韓非

苦旱

茶蘼殿春春云徂芳庭過雨紅欲無一晴不雨苦易
久四五十日瞻天衢黃塵陸漲草樹暗積水岸乾河
港枯秧猶未插莠如棘田已不勝龜拆塗沈牛投虎
竟茫昧死鴟脯蚌才斯須蜿蜒展轉不肯寤山川尸
素方窮居困魚止陸相煎濡斗升未必副所需元首
股肱本何德熙怡和樂綿九區萬幾總覽天所見十
目所視皆誰諛商羊弗見來庭除旱魃妄冀逃天誅
裏聞尺箠笞單于豈不足將雷電駟不須決海戒覆
車不須挽河洗潢汙只願閉門十日雨四海涼生斃
九鳥

苦旱書蕉葉

自是秋懷易寂寥強將離緒怨芭蕉教它不報窮
信只願蕭蕭過夜遙

醺謝寺丞○宋卿

厥月維良慶佛生誕彌隨佛際昌明循良既負劔南
最枉直暫參天下平池草自隨新句好砌蘭長傍故
家榮當年駢儷歸彈壓今日絲綸要老成

太湖初日

飛光飛上碧瀾低君跨三州連底明多少潛珍畏人
知只恐犀炬大無情

朱菴睡起

簷外飛花不翳天階前淺水恰通虹借床睡起自作

供祭肅楚英霜後妍

會稽胡丞相過

昔因罪銜水逃空喜弗勝別懷雖易久雅況獨難承
官業清於水家生火似僧不知廳壁記幾箇似君能

桃源行

種桃種得春一原逃死逃得秦外天殺雞爲黍替草
具不識晉語猶秦言昨日相逢今日別流水落花行
路絕雞黍更從仙隱設疑是齊東野人說典午亂多
乃治火此事明明不分曉一秦才滅一秦生避世避
人還避秦憶昔怒駟丞相去猶思上蔡東門鬼縱有
封君祿萬鍾爭如食邑挑千樹空山惜日見日長秦

民怨日偕日亡恨身不爲治時草不恨祖龍長不

拜總持尼祖塔

平生自愛黃金鰲肯屈榛蕪草棘深弗似灌溪關上
座尼壇再展不同心

自壽

燕雀生成日幾何伎藝斷斷更無它近來同歲人尤
少老大思親泪更多無事關身慚素食有心作佛學
凡科思量大欠工夫在更把餘生細濯磨

鰲菴約子與煮齋赴二石丈江閣之集得頰字
半川蛇腹彎城頰層雲鵬尾翔山脇紫莢獨自對黃
花采筆不須題落葉山容入秋太瘦生倚筇欲賦分

山行諸公譚玄若破敵萬籟爲我俱銷聲俯瞰市人
酣戰蟻喧寂兩忘同一抵悠然五字隱長城萬馬循
牆看披靡數峰薄暮方展眉笑人買山後小支誰能
料理身後計更復願爲天下奇滄江湖晚黥吞吐白
陽羣分復群聚出門一笑問浮圖風動琅璫半天語

東隱代錢竹巖作

坤壤大如許或謂藏於斯此理頗未安如之何勿思
鄉來雲夢吞八九眇而眴之竟何有是中餘地渺無
邊盡吸西江斟北斗區々載笑觸與蠻流血如海骸
如山螻蛄之國蚊睫間開邊拓土久不還隱淪蕭洒
塵囂外六合塵囂在其內俗子先標出大門我欲乘

風跨鵬背

持盃

未必腰纏北鶴騎可堪青女奮全威推蓬教客寒未
重挾纊雖重煖尚微忝足敢忘懷葉記屈身不與聞
肱違缸頭亦有籠慈日水激風回作雪飛

樂歲持盃尚許艱有求那解破人慳立殘穰草堆頭
日揮盡萃蕪斷處灣鍾鼓敢嫌貧指衆斗筭庸恤老
腰頑歸舟只載華亭月不作華亭誤夾山

頭風挾玄霜跋扈清溪陰長年把缸尾鐵面孤弗
面皺不暇問腕裂龜又深手中老篙竹出水冰淋
一步一千里進寸或退尋抵死爲食謀俛首潛呻吟

勞人凍入骨寸心橫萬針樂哉田舍郎坐擁廩若林
使使損緒餘瞻目如病瘡所得不盈把粒米敵數金
沈思耕者志豈異舟子心其誰受此施觀此受施箴
送宗無傳赴閩帥楊伯子西禪之招
尚不誠齋老寧馨米尋方外阿師兄泊大入海如涇
濁問今於公獨阮書舊憶蕭蕭分草木新來一再扣
柴荆不龜手是家傳藥真遣人言藥不靈

盧太君○湖州盧村

老顏瑩玉盧堂前明年一百欠一年歲時羅拜各有
序四三千指說之然髮白衣斑傳家嗣子生孫了孫
生子寸出種德日蕃滋一氣所鍾至於此壽骨稜稜

歲寒後深拜伽梨問耆壽盡將何回南極星化南
折爲脩齡

不雨

田欲龜文曉尚龜高高如燎恐雲焦未應天上無炎
熱可是山中欠燠調草偃風顛涼自至雨隨車後暑
驟消冷蕪寒上關心外却正虛庭望沈寥

訪菊

東籬貶菊勿絲毫著得先生一字褒賸復細懷彭澤
縣君英掩恨楚江濤綴團曉露心尤苦揖遜春風
吏高不把幽妍酬憤悱驚膠帛解續籬騷

泣胡晦叔○許冠同南來以網思見疎飲恨不

一臂灑交小朵陰傍池分石坐雲深先生自袖春風
于喬木吾非故國心操與蒼官同瘦立思兼梁甫獨
長吟錦囊羞澀慙多助卷盡牛腰尚存
言恨來遲計亦來寸剛不寬爲君惜雙眸心俗終難
眼流水無情去不回定作雷而輪宿憤枉教風鶴存
芬埃斷魂巫峽歸丹旄深注山茶酹一杯

顏丞開爐

鱗差雲母著書因吹火深爐曉自炷篆炷纔消餘桂
觀手終不暖爲煨香小中天地何妨大閑裡工夫不
欠忙莫向市朝尋大隱二松環水自湯湯

梵天僧舍金竹中存綠竹一莖

手裁碧玉間黃金炎赫流金弗敢侵莫作兩般分
相定知一等是虛心恨分麗水難沈色節老藍田付
賞音終有九包來止息萬竿何患不成林

書雪巢林景思詩卷

詩人巢雪如住山巢中所得強得官又微不足了饅
粥盡日幽尋遣兒讀春谷大篇轉十字鍊字貴活不
肯死鄉來林陵有布衣晚到夔州也如此乃今遺
安在哉古花囊錦宗文開開緘宛見諫議面隻字重
眼復三燕三燕然後月有聞日有見見人捧心壺而
眉不學施家女只學唐人詩爲言諸子將安之巢空
雪明康鼎來

青梅

雪未消時入且評纔黃又屬傳轍人暫分葉底藏身
地部領聖花過半春

三友刺

矯々蒼髯傍把筇疎々碧玉倚瓊梢飽經霜後轉無
恙未及歲寒先定交影瘦自隨罔月上陰濃時有嶺
雲巢此若不獨論三益高節還應待九包

小泊湖州

蜿蜒粉雉枕寒汀闊著清苕碧界塵帆落水晶宮未
曉煮花開盡一溪蘋

醽醁晦齋謝司直和予壽宮使賦歸來望思之亭

推恩保四海寡恩從自戕父兮不念子悠々我心傷
父子至情天性也房豈自經溝瀆者回天無藥愈狂
亂朽索胡爲羈六馬邪心不作天不疑皇恤江左劉
屈釐蓋脩一悟倘可冀抑免殺身傷父慈千秋一言
枹發弩墮魄已非何所補歸來望思兮胡不歸千古
萬古一杯土○晦庵云歸來切憲分胡爲平君之臺
易不毀之浚井完廩彼以其存再拜受賜君以少
姬歸來望思兮不北君之臺讒言兮罔極靡
馬兮白爲黑骨肉兮冠離忠良兮家之賊白骨如
山兮生長兵間曾不爾思兮天道好還流星兮竟
天歸來望思兮其臺巋然

昭臺行

昭臺一鎖無開扉君恩易隨朝露晞
桃笙奏扇果何物不長相保終奚爲
人言昭臺失其所殆不知其得其死
當時嫁作將相妻赤族之頃寧獨遺
父令久持震主威兄也景升豚犬兒
負芒之背潛生疑旣萌驂乘渠莫知
君主持心亦太薄滋蔓不圖惟稔惡
立無嗣續勸功臣只書官氏標麟閣
將軍惜子如惜金不爲長計誠何心
丈夫事業當驚世區區自足私家計

又

將軍發機陰中的功如熟稼生螟蟥
母儀天下極尊榮非道得之非所得
一朝樂去悲相隨霜露既降風

淒事悔之吊昇將安之不自爲計終
奚爲關中舊約三章法法當夷宗離
逆節况復曾孫誅大臣頃背相望眉
不顰昭臺不隔昭陽路花落烏啼春
幾度麟角鳳背皆可煎惆悵君恩非
斷弦

龍井吊古

井龍孤躅轉空濛萬斛泉源憶長公
流水高山仍古意落花啼鳥自春風
石題峴首千年後人在蘇堤萬柳中
惆悵半生行樂地闌干曲曲夕陽紅

病起書蕉葉○三首

寂寞經春苦未榮
蔦舒新綠上疎櫺
不追松柏凌霜操
漫學梧桐送雨聲
抽半卷心忺趁曉
剪全開葉恨

遮明炎之三伏流金石來相茶小枕簟清

搖青已見及時榮獵犬翻之觀短楹似我不才非世

小對伊憐枕聽秋聲影鋪缺甃侵苔綠叢倚蹊穉蔽

月明脆弱不勝連夜雨亟憑幽討錢餘清

青鷺翠尾曳前榮仄雨番風綠闌檻的自夢中包死

鹿悞從雪裡著嘉聲煙寒曲砌秋容澹句滿旁行墨

色明盡是吹來最奇警與君分此一襟清○謝淵清

史涇巨淵光

代覺無象續緒衾吟謝樓大參

一合溪藤展樣裁蒙頭疊足傍寒隈玉樓凍合春初

透只有青燈伴之回口樓紙衾帖中有青燈伴定回

之句

送譚浚明歸江西并引

廬陵歐陽伯威父早得句法於東萊呂紫微生

詩窮死不悔浚明十年從之或謂浚明狂余以

爲未也素齋拉麤卷作詩贈其行予亦賦

恨無玉緒三千幅盡使春風歸約束樂飢功謝明月

瑤休景恩慙菱荷屋明來皎之歌白駒不歌長鉞彈

無魚批風切月瘦弗腴枕頭一束知何書欲把列如

憑軾下餘子紛紜凌跨歸來袖手如病瘖舌在何

曾問人借占燈夜喜傍短檠劇譚不知山月傾元戎

後乘沸笳鼓之子但默黃鍾聲平地叩膝九折坂十

年已恨相逢晚四座悲歌滿正遲一龕風雨花頻剪
鏡神功名一橫槩百鷺啾々空一鶚雙王未傾嚙不
耻自倒玉山還自起○令名弃疾字更生

酬鈺朴翁梅花四首

槎牙絕後復重甦綽約衝寒瘦有餘自是繁根鍾間
氣不從春力借吹噓
未朽山礬亦可人聖之和與聖之清由來風物須彈
壓故遣孤芳集大成
暗香浮動月黃昏直與離騷力抗衡今日孤山山下
路對花如對老先生
一枝分遣到朱門未埤銅壺已斷魂龍液磨臍勾百

和清流難洗濁江渾

早行

鴨雉初聲或趣裝強攜瘦影度重岡畏途政爾吳牛
喘誤把殘蟾作夕陽

楊宗伯知舉出院

三級桃花把要津懿文儲德在權衡鸞雛將授三傳
託虎榜先同一辨盟榮以依光如畫錦樂於兼善勝
車城扇聲早晚星辰上州與羣仙地上行

紙帳

玉楮亭亭稱冷官晴雲垂地著蒲團夢回不復疑胡
蝶猶記蟾枝宿廣寒

栢香巖

卜築深雲傍栢香小樓縹渺遠吞江路隨山轉巧當
戶潮與月來高挂因得飽但慚秋稼足愛眠嫌聽曉
鐘撞明明關劣無求勝一任諸方逮勝幢

老母元宵初度是日立春

冰鑑呵雲薄金蓮照夜遙灰飛催臘盡雪擁待春消
簷已冰垂柱山猶玉墜腰不知初度酒幾度酌元宵
易水行贈修和謝德之高士

悠哉招隱琅玕然畫然勇變易水寒橘梧語急聲欲
乾哀絲欲絕回風酸激昂餘地涵清園弗落斷崖清
夜滴想當悲歌蒿真怒髮正如棘衝其冠慨慷一死

不復惜從容按轡無求還投機之間不容髮一失焉
古風永嘆塵侵化首壯士死誰寫遺恨歸清彈謂言
此曲無再彈渾剛不敵智士肝腦脂蓋眼日高臥幽
憤欲平良獨難汕然易感不易觸徒使壯泪雙泫聞
琴工推琴向我言我指何自生憂端物能移人不移
物安得心廣仍體胖欲令心廣仍體胖不妨試作如
此觀

再贈謝高士得之○鄉先進

我曲非俗音亦非正始音闐然洞遺響萬籟俱爲瘖
不弦不足彈無弦不足尋與之但浮沈適以寫我心
謝郎介潔彌明操結喉深目蒼髯獨劉生戾喜不相

明和詩二
逢邪聯石鼎歌南風發琴速我城南道爲我從頭寫
懷抱不是山林同苦心更有阿誰彈得到曲終月墮
仍反聞欲彈不彈心自論小侯茶甘同齒頰喚起胎
仙舞三疊

贈悟上人

峨峨復湯湯大闕不可尋哀絃一彈絕不棲焦尾瘖
遂使箏笛耳喜厭鄭衛淫劃然勇爲賞音廢此道未
必皆平沈盍觀薰弦育島彙不有傲仙頑囂心廩完
未既使浚井僅脫死地仍床琴拳々終慕不知老放
勛賞此不負其聲音聖賢不與我殊類出乎其類吾
所欽彈兮須彈古人意學不當學有虞氏贈穎師者

韓退之悟師鑑賞今其誰

移蘭

藉劣薰優只自強寄林亦足稱孤芳故應紉佩成昏
服不爲無人闕國香移傍瘦筠同雨露怕隨行輩踐
牛羊客非九畹同心事莫反離騷吊碧湘

逆客

老矣無錢買沃州欲從苕雪問菟裘却煩二子先歸
夫好處林塘爲相攸
欲快青眸忍白開故將淵默自藏雷苕溪今日寧無
畫不見蘋吹好句來

病起

樂性從前已慣諳折鐺彷彿舊同參無禪無道了生
死問疾問安徒再三人瘦可肥姑小待憲貧非病困
多慙起來細數簷前竹新綠猶三穉半含

過錢塘

初日驅陰積翳銷鵝鵝嘈雜櫓初搖白鷗踏浪平如
地不似吳兒學弄潮

月樓陳寺薄惠李陽冰千文新刻

厥初至文無一字誰將鳥蹟分形似天淳屢警不知
防七鑿纔終混沌死遂令天下後世空紛綸蟲魚鍾
鼎駢相新茫然不理字外意但龍見九州四海軌仍
同文王郎羽化不可馬小篆千人萬人習祖龍無恙

事如脉稍緩簿書期會急西京杜門草大玄諸儒載
酒尊所聞莫言字是紙上語尋古康遠須得門規來
小楷無餘韻更復顛狂闕草聖不見當時石鼓歌晒
乃數紙博白鵝悠々古恨憑誰雪想見月樓時對月
質衣訪古錦作囊李侯屈鐵千琳琅百金購工鑲翠
琰數間儼舍生寒光欲壽此書休待買待向君家拊
此話不圖復見古人心要與月樓同博雅

中秋

得月山房夜夜秋仲秋既望豈常儔狡移三穴雖明
見圓印卞江恐暗投於我覆盆蠹鏡面爲誰飛轍碾
雲頭吳兒不管團如璧只唱彎弓照幾州

後中秋夕同淵清叟宗無傳登覽無家宿蟾小閣
練挂河源夜欲流略無雲物礙雙眸有時長恨菱花
破今夕何須玉斧修五載重逢餘閨歲百年幾見兩
中秋更舒望海亭東嘯細把窮鄉今節醺

過剡

曹娥汨血點江湖百里都無絲半蒿剡水迎潮須欸
曲小分清瑩洗滌濤
春漲新痕綠漸開只知東去不西回濯纓莫負滄浪
詠曾送扁舟泛雪來

蜂房

各開戶牖復尊王釀熟芳鮮又絕糧課有常程分殿

最日無餘暇息奔忙酷嫌萬尾長搖毒終使花頭不
損香細之中邊分正味莫教勤苦度韶光

清明善住蜂歸用前韻

霧擁雲屯畏失王相攸來此各資糧絮輕漠之移家
晚花冷冥之領衆忙卒歲緩營期旨蓄掠叢怕不欲
殘香凜然暗室明如晝不待通天一點光

解嘲杜鵑

神武門頭穩挂冠至今猶頌二疎賢試將史傳從
讀不說西京有杜鵑

種瓜

一畝荒園石觀沙若爲圖蔓不傷瓜丁寧落蒂方拈

出輒莫撓先摘褪花

悼憲此山○善畫尤工於狗

七軸爛翻卷怒潮九天恩重記前朝力鞭敵鯨防侵
稼活寫厓獠惡吠堯秋愧囊螢心未老春風吹雪鬢
先彫青甯土立青如削千載高風不寂寥

花卉

澹金生色染宮黃只作坡菱亦擅場稚子不能供小
摘相呼撲蝶趁斜陽
謝遣起根煮菜根雨畦晴圃駐春痕聽心歲之蒼孫
忌百億須彌不足吞

書平田田家壁

簪簪埏埴自陶漁上大人題小教書不過亂山深處
路人間無處問唐虞

積雨

積雨低田欲再車經旬濕稼藥寒沙絕冷日念如蕉
穀大浸稽天不復芽

竹居

水雲不羈隨所寓破包不挂無竹處眼前一日無此
君朽索徒將六駿御豈無花木事幽討自然南北如
岐路苔溪阿珂秀而古虛心問之雲同趣數椽老屋
修深雲一畝清陰著環堵歲寒門戶不勝冷春夢池
塘時得助堅剛老節真凌霜冷澹生涯不受暑客來

燒筍然竹枝客去呼兒紉竹布更製芰荷供歲晚旋
未厭薇歌日暮便從此地賦真游更把故山爲別墅
不妨月夜據胡床細掃苔痕印芒屨

紅葉

獵獵翻紅赤羽旗霜裁風剪亂零吹打窗便是敲蓬
響夢斷吳江欲冷時
要與松筠共歲寒聽它青女苦彫殘不於葉上涂生
色誰辨剛中一寸丹
鄭老毫端醉墨濃朝朝僂僂拾西風那知猩血燕脂
外盡在銀鈎鐵畫中

句滿山林寫不成怕綠流水誤虛名夕陽滿樹牛羊

下只看玲瓏血色明

趁得晴秋作許妍動人春色政秋寒林塘水冷溪痕
瘦鏡裡何曾欠渥丹

樹下收帆繫斷旄樹頭新染夜來霜小春未稟猶相
其款曲辭柯不要忙

益老得廣惠呈制帥大資樞閣居士

客已梅山訪把筇城隅閉鎖一枝巢金園俗下謬公
舉玉帳眼明尋淡交不但據鞍尤矍鑠尚堪策蹇作
推敲毫毫不借江山助誰爲高人賦解嘲

圓明後葬者居祖塋前屬寺僧樹表以識之

小倚雨北盡作居彷彿天花傍鏡湖支遁廐中多養

駁丈人屋上試占烏軒面之雲痕濕樓觀層之水
影孤惆悵門前一杯土脩誰封殂或樵蘇

萬卷堂

昔聞先進之野人耕養之外三年通一經區々三六
一十有八載六經未必皆知津獵々牙籤三萬軸當
時想見負頭讀片將有限趁無窮偃鼠飲河徒滿腹
何如一笑俱忘言文字洗空如露蟬等閒一嘆盡其
要蕭郎餘習三生前萬卷堂中浩如海一頭曾中無
芥蒂龍葱初日上闌干坦腹便便日中曬

西湖夜歸觀打魚懷趙京兆○代人

德人天游樂者全亦以此樂均魚鳶陶然亦復忘所

樂西湖澄澈如心淵管領西湖人不火前後無如趙
京兆至今畫手畫西湖不著綠蓑人獨釣胡爲今在
月滿湖大舡小舡皆得魚又登岡罟罟不得那知老
子今歸歟滔々京兆萬人海平地翻濤渺無蓋活魚
之外凡活人人在什棠頌遺愛

墨梅

描漁村綠黥素元萬紅千紫失根源大玄自古人嫌
白白盡何妨反太玄

楚之仙裳澹染縞耐寒宜瘦不宜肥莫言無子調商
鼎卿相當年有黑衣
省力尋春愈出奇闕逢圖上看新詩殺風景問春知

不兩手風霜一樣龜

臭恨丹青廢畫工不須求異只須同玉容那及寒鴉色故託縹塵異漢宮

黑竹

侵攪微茫到物初解衣盤礴便扶疎歲寒節之曾參
透不負剛明一寸虛

送道州使君江西張正父○曾擬冠

詞學清流屬上游可曾輕外嘆遲留半生蕭洒居仁
宅千騎精明赴道州曾擬朝陽鳴老鳳暫從楚水間
盟鷗不訪高家山人買欵曲歸來儘黑頭

客去

茗椀篝燈自校讎長歌伐木歎吟儔九回斷續珠
度八月淒涼燕不留夜雨憶同湖上榻舊題曾拂礪
西樓破囊猶有新篇存輒莫逢人說暗投

拂手巖雨過

白雲裹山裹不盡高處露頭低露脰一條懸水透雲
飛雪色蜿蜒伸脊領畫然怒卷風霆震銀鱗玉鱗俱
奮迅滂然纔歇四山明濕盡悠之雲萬頃是時豁達
縱雙明巖巘更無毫髮隱大華巋然小較多直上
成五千仞想應有路近丹梯未必無花開玉井便
擎花供廚晚更擎藕乳剉短艇徑上明河欲盡臥
貌九州聊一瞬

飛湍

飛湍哀又飛當戶平地隆之萬壑鼓彭轟亂石震風
霆崩奔千仞無朝莫濤神何許駕潮來餘憤未平方
展恐又若飛廉聲萬竅餘勇尚多無處買年時旱涸
尚如此況當八月九月雨淵潛雖伏不能安林棲欲
寐還驚顧山翁慣聽如不聞只應自樂山中趣對床
展轉悲游子咫尺華胥迷去路欲隨胡蝶翩之舉空
迢夜遙忘榻大起來晨炊惡草具誤作迅雷仍失節
呼童秣馬不火駐不待黎明出山去出山定入紅塵
去欲去謂言姑小住此聲不似鄭聲淫聒耳雖喧君
勿惡

雨後山水入湖江方巖素賦

湍雲投江只得潭觀淵未了復消魂不知從此隨流
去清日何時得反元

海莊觀稼

東輪三十六溪涵海若餘畝不足禾我有黃雲連斷
岸夜深隨月看潮痕

方巖王侍郎江西破賊歸

大厦難將一木支駕言獮豸託心期絕怜十八灘頭
樹不管安危管別離

左蠡揚瀾草葑湖油驅銜尾礙前驅葦花相疊多餘
地潛伏驚騰在卷舒（小舟迫窄自笑曰今為招壘

侍郎矣

劉改之題王摠幹房中懷親帖拉朴翁與余同

賦○王識之祖

白雲起處感親深故倚西風動越吟送老有田非住
計欲飛無翼是歸心強隨隣里雖胡語自教琵琶只
嘆音土瘞遐荒元不死夜干牛斗尚千尋

方巖惠焦絲布

綠趁桃柳剪黃如柘繭抽海綃雲湛淅魯縞玉溫柔
待月投清夜炊菰夢冷秋直然無可報雜佩不中酬

舟中醺竹巖

官舡只合辨清游却載蛩蟀雨夜愁明日菊花蘋葉

上不知韓得幾分秋

松花

都將墜粉掃殘枝聊伴伊蒲習厥薇合賦老饕矜厚
享秋池更有芰荷衣

候錢蛻堂○大卿

蜀州旌節西南歸跨劍越棧關峨眉便將峨眉飲廬
阜孔明十倍於曹丕懷哉西南一萬里日者庸人擢
之耳豁然天地復清明斷自葛韋遵俗起我尋竹簷
踏雪來好懷盡爲江山開人物於人尤不惡更於衆
角對麟角

松風閣○永嘉

明和
繞簷惡才方童，蒼官香脚將焉從。海濤熨帖清涵
空，不見蘋末來蓬。是時散夜闌，獨倚不曉此中題
榜意。但見茫々漲軟紅，撲滿市人烏帽底。蜀仙茶鼎
扛無人寥々，不復聞此聲。玉川涼腋更渺邈，鸞只
今無地生尚憐芳草春池。可夢破客兒煩舉似，粉胎
換骨蛻氛埃。叢霄九萬冷然去。

躑躅

露凝丹臉粲芳肌，不御松華亦自奇。強學海棠春睡
足，如何學得未醒時。

春江曲

十里西江日日佳，回汀曲渚艷春華。秋來等得明如

練，未必蒲花似柳花。

贈筆工

護惜神鋒逮缺殘，回觀敗塚只潸然。只今汗血無人
問，朽骨成山直幾錢。

劉簿分賜茶

吁嗟草木之擅場，政和御焙登俊良。雙龍小鳳取巧
制，斷璧零圭誇襲藏。晴窗團玉手自碾，旋焙鐵坯玄
栗盞。瓦瓶只候蛭蚓泣，不復浪驚浮俗眼。卯金之
我所識，戶外青梨扶太一。十莖攜來訪黃音，清白
能勝黃白君家阿伶兩眼花，以德頌酒不煩茶。蓬
手閱三百片風味盡，在山人家潮從委羽山前漲。少

得清漣入瓶盞飄淪天漿睡足時香續絲綸九天上

世軒沈仲歸挽章○修三國志獻賦

尊周微意託炎劉穢史端令後世羞不祀遶經究終
始安知吾忘在春秋虹霓未吐身先老龜手空傳自
不俟奏賦長楊天上去斷編殘簡亂山丘

黃侍郎帥閩解后皎如晦受業寺

送客稽山欲盡頭丁寧一語駐驂驪荔枝莫惜輕紅
擘醪醕何妨大白浮語必驚人休微失才多在野細
尋搜此懷只合從公賦說與它人定暗投

蕙林

薰石騰芳蕙藉無砌埽金綠因涵一鏡朱戶心雙水

新有吳霜著鬢顛却無俗駕到門前試尋池草生春
思不爲樓鐘廢曉眠莖苦易荒鉏短日百廿多種
殘年家生冷淡尤堪笑却怕炎火又可怜

驥無稱築墻護放生池

鑿山焚圃幻屏帷自出胷中一段奇拓壽域歸常住
地注恩波入放生池剪蕙忍放蛙分部空穴寧致鬼
不疑生有春風歸約勒先開墻角四南枝

貧樂堂

瓦盂脫粟自成歌直與簞瓢不較多弗恨道人貧似
我却嫌所樂弗如它

潘子善范先之林自知賦本犀囑和

孤芳如阿平晚乃出六奇傍睨肅聽瑩請試從元雅
韻如聖之清邈世觀商衰翠幄方童之露葉流蟾輝
降真換骨法譜謀當尋拔悠之千斛香鮮風如駟馳
淫秋百草死不復千等威江離交晚生楚英託深和
繼柳追逸駕峻坂力驅羸尤物能移人心正物日移
年六月中仙一人簪一枝後先不須問亦各安其時

貢粟

我有一斗粟不暇春作糜寧受梨棗誰不忍剛腸嘶
雲果天下腸吾飢吾敢辭長願飽者飽毋使飢人飢
古之聖之清吾獨稱夷齊米薇替周粟所樂甘如飴
山亦不義山薇亦不義薇惟其不素食食粟今人思

度土觀肥瘠移根較淺深不愁新綠暗長恐歎紅侵
剪翠滋繁露留芬引碧薄芝蘭元並德姚魏不同心
暑戰知勅敵霜零撫壯襟曉梳風獵之晚沐雨森之
草色分春思苔痕借夕陰綴叢流夜照擁砌通秋吟
佳樹青油幕幽泉綠綺琴帳空從鶴怨盟在聽鷗尋
觸勝齊蠻負騷亡甚雅沈吟香須細寫搔短愜芳簪
野逸勤招隱清狂苦不禁悠然飽風味送日挂岑岑

夜泊故山

群峰雪後尚崔嵬行盡黃昏不見梅獨有故廬山數
曲殷勤推月過溪來
略約橫溪度荀與稚松孫竹半蓑蕪呼童相伴鉏明

月缺處重添一兩株

已巳元宵種松慶母生初

白髮生初慶此朝手移松桂上宮堯要知雪操寒尤
勁長伴庭萱老不彫牡養獨慙虧夙志絲衣猶記舞
元宵旋添萬木青青色小作寒江漲怒潮

曹戾舊作題紅扇子永嘉陳原父得之

未將心事付題紅已有靈犀一點通
來筆春歸橫槩後高情都屬小元龍

晚歸

晚涼初試出嚴城雲表浮圖恰上燈
歸櫂只知將月去不知搖碎玉稜稜

一犁春雨圖

謝家風流絕代無底事要作耕田夫
一犁春雨開新圖此圖之作胡爲乎
莫是天民先覺者小試經綸起
莘野復將斯道覺斯民千載精神入
模寫不然淵明賦歸後荷鋤去種南
山豆晚風新霽擢良苗一段風光相
授受扣之輒笑橫點頭老農老圃吾
何求六經蕪翳刀穠養百玉理亂深
鉏耨剪之茹茨出林鐸菽水清歡在
其下聖賢所樂屬吾廬當觀吾廬莫
觀圖

朴翁加冠巾蘇召叟訝予不朝之

見與聞同駭且猜多應自斷不化裁
聰明斷種豈僧事鏤鑠據鞍須將才
好在夕陽愁夜近懷哉鮪國尚

心孩自非獨善林泉嬾應是林泉火禍媒

酬水心葉待制見寄宿覺菴記并詩

天藏今偶得人傑古猶存莫遣苔封徑寧教竹礙門
市喧酣蟻戰潮晚看鯨吞金粟元非病何妨一駕言

中津

帆挂中津趁落潮且停雙槳不須搖却將中散憑闌
意直送孤鴻到玉霄

吳江道中

蔓滋螟螣燕孫謀爭得勢砧不怨秋築圃莫嫌登稔
火尚餘蒿麥趁霜收

牧童

蓬鬆祖耽倒騎牛折得山花便滿頭強使倡歌渾不
聽它天籟自鳴休

秀侍者致

葵藿不甘羊酪羶筍蕨傳求非薨蠶樹雞風度掃梨
黃蓋其氏者尤稱賢舅腴孕秀茁枯朽軟濕不齊相
後先春風薰陶紫芝秀陸地挺特荷錢圓雖非靈椿
八千歲要與風月三千篇古源阿棠又人行薦新已辨
羅百籩開端慨慷約同餉一語不移金石堅過門走致
續綸手不記舊約篝燈前小空在左轉反睨解衣作
質呼芳鮮曉嬰嬾汲井花水地爐瓦鼎相周旋蒲萄
餘瀝正其味塩醢不御全乎天綴盂獨當第一義曾

水洗空十萬錢不須沈湮更疏瀹欲跨明月凌風煙
樵谷

谷口雲橫草不生弗容斤斧弗容耕呼童盡恰風前
葉自去提撕折腳鐺

栢堂

千載霜苓孕屈盤唐風饕雪不知難客來莫話西來
意添箇蒲團話歲寒

雪川

茅茨傍水似浮家自把蘋洲缺處畚魚來常多蔬菜
火薺根挑盡到蘆芽

酬于君實

